



夏爲堂別集詩目

鍾山黃周星九煙氏咏 男

備禹弓輯

育黃寄中較 繼姓

沈

松江朱日荃止善氏閱

海上張燕孫芭仕氏叅

夏爲堂詩略刻 薇号集

西湖三戰詩

別集詩目

閒情雜咏

咏物詩

和楚女詩

原詩附

芻狗齋詩集

矢音

八百字歌

仙乩雜咏

鬱單越頌

十二月讀書樂詩

瀟湘八景詩

小引

嗟乎余亦何爲而刻詩也哉蓋余髫髻時卽喜習有韻之言至十五六以後始有艸本每歲風月閒吟少或一編多則數帙自丁卯迄乙亥所得不下三千首率散置行篋中丙子七月從長沙過洞庭夜半爲劇盜所掠盡取舟中圖籍投之汨羅江流此篋遂亾已乃稍稍蒐綴軼藁復得十之六七加以數載畋斲又不下三千首然而籤軸紛紜體製龐雜至甲申歲始裒輯從前大小諸種一一薈櫛而淘汰之獨存八卷

小引

一

名曰鵬雲堂自訂十五年詩命善書者登之副墨行
將儻功于梓氏矣遷延至乙酉夏五忽遭坤離之厄
書巢一空蒼黃從矛鏑叢中攫得此集挈之以奔次
年九月避地至閩之古田山間復爲劇盜掠去于是
舉盛年之心血光陰一旦化爲烏有矣痛哉自此萬
念灰冷閣筆不爲詩者歲餘越戊子冬抵武林乍窺
西子生面不覺逸興颺發故態復萌嗣後浮家泛宅
時往來吳越江淮間酒壇騷社所在有之題咏唱誦
動盈箋幘轉盼十年以來不覺又累千首每咎前車

之誤思盡付殺青以存全鼎而流離捃拾年復一年
療饑不給何暇爲梨棗謀丙申歲授經鳩茲偶以故
人從與遂舉笥中塵編屬之刪狂剗怪聊爲節取蝨
餘釀金刊木此夏爲堂詩所爲略刻也嗟乎余亦何
爲而刻詩也哉余觀古今詩人多矣顧能者未必工
工者未必夥卽工且夥矣而其詩又未必傳彼顏謝
李杜之流幸而篇什具存光芒不滅耳若劉春虛之
十四首劉又之廿七篇何其少也尤有可悲者高仁
裕萬首詩窖樊宗師澀體七百餘篇至今遂莫覩隻

字較之李賀溷劫沈抑更甚詩之傳與不傳豈非數
耶夫余區區茲刻猶澤礪海粟也以十年計之則什
之一以三十年計之則百之一若夫瀕洞嵯巖之觀
陸離詭暉之致繇今視昔正未知足當千百之一否
雖然使余詩而不當傳雖懸萬牒以示人無益也使
余詩而當傳也且安知是區區者之不爲碎金片羽
乎哉略似氏漫識

夏爲堂詩略刻

薇罈集

石頭黃 人略似氏咏

擬五雜組

古歌每句一義
余爲聯貫之

五雜組輯玉瑞往復還南河避不得已元日嗣 五
雜組篚玄黃往復還誓鄣疆不得已肆鷹揚 五雜
組負辰輔往復還流言雨不得已東山谷 五雜組
麀鳳庭往復還繫狗形不得已述六經 五雜組

明月之士四章

讀古辭巾舞歌訛異不可解中有明月之士

四字喜而咏之

明月之士繫何士哉相視而笑青天雲開 明月之
士明明如月神膚皎然洞鑑毛髮 斯士高坐月明
萬里衆星蠕蠕伏不敢起 軒軒斯士如日之升士
曰不敢臣魄如水

擬男兒可憐蟲

出樂府
企喻歌

男兒可憐蟲羸屬同一狀衣冠五采成百年等幻妄

安所得英雄王侯而將相一解男兒可憐蟲稷稷密如

蝟螭羽笑鳳皇觸蠻空鼎沸何事千歲憂文章而富

貴二解男兒可憐蟲薨薨飛蠖蠖其長曰聖人四靈均

蠢動胡為怖村兒堯舜而周孔三解

社題古道照顏色

羲皇而能語五柳慶朋侶管樂而能語臥龍歡爾汝
士生千載下塊然恒獨處安得起古人一一交縞紵

尚論苦渺茫歌哭尠佳緒憤懣或呵壁狂叫走無所
所賴有遺編曠代遙心許臯夔不讀書姬孔不應舉
節義與文章千載無齟齬吁嗟文先生宋季之翹楚
偉然忠孝人伯仲堪伊呂惜哉南風微英雄殉刀俎
當其爲此言身乃幽囹圄抗聲歌正氣天地皆慘沮
想見岸憤時日光爛如炬嵇張顏段輩熱血湧毫楮
森然鬚髮張壯氣不可禦把卷望白雲風簷久延佇
大笑向諸君古今猶逆旅

社題述懷

咄咄復咄咄怪事非一端盤古拊髀嘆我乃徒蹒跚
辛苦造光嶽搢搢轉兩丸爛如五雜組部署皆苟完
初意計深遠兼遺子孫安誰知杜宇啼瀨氣已闌珊
今日柰何許域中請試觀蟹匡而蟬綏稼獵多饑寒
蠶甘蠶則感終夜淚汎瀾下土蠛蠓臣長跪啓盤古
臣有懷欲言公毋自勞苦混沌寧不佳胡爲闢榛莽
功首乃臯魁鷓鴣磨誨羆豸誰令公多事怨艾今曷補
胡不卷兩丸光嶽化糞土憂樂兩茫茫萬世安聾瞽
盤古忽大笑癡絕蠛蠓臣爾言良不謬爾懷多輪囷

爾懷我稔知去去勿復陳但願爾無懷且爲無懷民

江上三友詩 并序

余比年匏繫江館形稿心灰足音斷絕幾不知人間世有文章聲氣四字矣每薄暮出戶悵佇惟見夕陽江水冷煖相親因呼夕陽爲老友江水爲澹友又念友不可無三遙望江外數峰縹緲映接亦似可晤語者遂招彼青山號爲遠友而各贈以詩

出門何所見老友當我前長跪問老友賴爾久周旋

千古更千古萬年復萬年羲農今安在老友意茫然

老友

老友時隱見澹友無時無澹友清且直吾道倘不孤懷沙一何勇洗耳一何迂洋洋而可樂君子之交夫

澹友

澹與老爲二相對時開顏復有遠友者居老澹之間此友有高致可望不可攀終古自危坐白雲或往還

遠友

半圃引

上下百千年元會今當午運偏縱橫十萬里震丹國
土東邊是元會國土各居半世間萬事何足算君不
見玄者天黃者地日者兄月者娣山陵爲牡谿谷牝
大都皆以半爲例又况人生缺陷世界中百年鼎鼎
旦暮同文章富貴頗相妒王侯將相豈有神仙風世
間萬事分畛幅既卽福基寵卽辱得全全昌彼何人
假令得半半亦足卽如我輩少讀古人書每從三季
慕黃虞讀至晉宋輒掩卷笑彼偏安非雄圖誰知蒼

吳杳難測帝典王謨時乎不得力棘駝蘆燕歛吞聲
欲求半壁安可得世間萬事皆如此盈胸完虧有妙
理那似韓愈登太華不到蓮花峰不止君不見懶煙
子癡雷生昔年意氣冠羣英煙也如煙籠旭岫雷也
如雷起春瀛一朝蠖落江海與氛埃煙非煙兮雷非
雷邯鄲午炊纔著枕轉眼松風安在哉猶幸雷也差
強意有石可眠泉可醉買得錫山數畝雲花竹隨時
成位置題曰半圃圃之餘摩詰爲圖淵明記圃則半
圃人全人庶幾息黥而補劓獨余煙也拙于鳩籜冠

芒屨幾春秋九州五嶽無住處賤子一言君聽不請
將半圃更與從中判雷一半兮煙一半

楚州酒人歌

酒人酒人爾從何處來我欲與爾一飲三百杯寰區
斗大不堪容我兩人醉直須上叩閭闔尋蓬萊我思
酒人昔在青天上氣吐長虹光萬丈手援北斗斟天
漿天厨絡繹供奇釀兩輪化作琥珀光白榆歷歷皆
盃盎吸盡銀河烏鵲愁黃姑渴死哀清秋酒人咄咄
渾無賴乘風且訪崑崙丘綠蛾深坐槐睂下萬樹桃

花覆樽竿穆滿高歌劉徹吟一見酒人皆大詫雙成
長跼進三觴大嚼絳雪吞玄霜桃花如雨八駿叫春
風浩浩心飛揚瑤池雖樂唵嘔促阿母綺窓不堪宿
願假青鳥探瀛洲列真酣飲多如簇天下無不讀書
之神仙亦無讀書不飲酒之神仙神仙酒人化爲一
相逢一笑皆陶然陶然此醉堪千古平原河朔安足
數瑤羞瓊靡賤如螿蒼龍可鯁麟可脯典酣瞪目叫
怪哉海波清淺不盈杯排雲忽復干帝座撞鐘伐鼓
轟如雷金莖傾倒沆瀣竭披髮大笑還歸來是時酒

人獨身橫行四天下上天下天如龍馬百靈奔蹶海
嶽翻所嚮無不披靡者真宰上訴天帝驚冠劍廷議
集公卿今者酒人有罪罪不赦不殺不可殺之反成
酒人名急勅酒人令斷酒酒人惶恐頓首奏陛下臣
有醉死無醒生帝顧巫陽笑扶酒人去風馳雨驟蒼
黃謫置楚州城酒人墮地頗狡獪讀書學劍皆雄快
白晢鬚鬚三十時戲掇青紫如拾芥生平一飲富春
渚再飲鸚鵡湖手板腰章束縛苦半醒半醉聊枝梧
誰知一朝乾坤忽翻覆酒人發狂大叫還痛哭胸中

五嶽自峩峩眼底九州何蹙蹙頭顱頓改甕生塵酒
非酒兮人非人椎盧破觚吾事畢那計金陵十斛春
還顧此時天醉地醉人皆醉大夫獨醒空憔悴從來
酒國少頑民頌德稱功等遊戲不如大召天下酒徒
牛飲鼈飲兼囚飲終日酩酊淋漓嬉笑怒罵聊快意
請與酒人構一凌雲爍日之高堂以堯舜爲酒帝羲
農爲酒皇淳于爲酒霸仲尼爲酒王陶潛李白坐兩
廡糟壇餘子蹲其傍門外醉鄉風拂拂門內酒泉流
湯湯幕天席地不知黃虞與魏晉裸裎科跣日飛觴

一斗五斗至百斗延年益壽樂未央請爲爾更召西
施歌虞姬舞荆卿擊劍禰生搥鼓玉環飛燕傳觥籌
周史秦宮奉壘甒與爾痛飲三萬六千場下視王侯
將相皆糞土但願酒人一世二世傳無窮令千秋萬
歲酒氏之子孫人人號爾酒盤古酒人聞此耳熱復
顏酡我更仰天嗚嗚感慨多卽今萬事不得意神仙
富貴兩蹉跎酒人酒人當奈何噫吁嘻酒人酒人吾
今與爾當奈何爾且楚舞吾楚歌

結茅圖詩

梵公示我結茅圖我與梵公且商結茅地結茅結茅
不過一團瓢此一團瓢九州五嶽將安寄我欲結一
茅兮萬山巔沐日浴月餐雲煙下視塊蘇時大笑醉
上天公幾幅箋我欲結一茅兮五湖裏百窓面面涵
秋水鷗鷺如人靜往還萬頃玻璃映霞綺似此境願
那可得山川不語神塞默正如寒士思美人永夜夢
多空眩惑梵公謂余殊未然結茅不必萬山巔亦復
何必五湖裏我所棲兮乃在西湖南山邊南峰北峰
相對出去秋風雨墮其一歸然獨有南峰存天爲梵

公畱此室薜蘿一萬重松杉五十里鶴鶴呼名猿狖
啼寒谷雲封天似紙跌坐梅窓月四更不知乾坤屬
誰氏九州五嶽皆在一團瓢何況萬山之巔五湖裏
梵公梵公想最幽高蹤不亞許遠游廿四橋邊明月
愁六橋三竺懸清秋人生不合死揚州英雄退步只
丹丘靈鷲峰頭歸去休願公早構丹梯十二樓他日
黃子籜冠藜杖來上頭

姑山艸堂歌

大丈夫何不驂龍鸞騎螭竦東凌滄海坐蓬壺又何

不走蜚廉鞭列缺西陟崑崙瞰桃都安能跼蹐眼前
十笏斗大室獨抱蝨簡窮年兀坐如囚拘世間難遊
盡者好山與好水難見盡者異人與異書百年鼎鼎
菌蟪耳積蘇秦塊空雄圖且莫言五嶽遠且莫言九
州殊卽如宛陵近在家山咫尺地敬亭華陽諸勝安
得驅之枕案供人耳目娛謝朓李白空叫絕愚公移
山豈是今之愚忽有徐子笑而起曰吾學得少文法
能使千峰萬壑晨夕繞吾廬吾家近在姑山麓父老
兒孫山與吾衆峰羅立紛拱揖蒼者如吏翠如姝白

雲五里或十里長松千株更萬株鸞飄鳳泊虎豹踈
好女狀貌神仙居茲山雖小頗靈闕响嘯宛委似不
如艸堂數椽無樸斲青山滿屋泉流渠風雨欲來惟
宵靄雲霧將去還踟躕徐子高臥恣觴咏醉呼懷葛
朝黃虞朱輪絳幘那敢到籬下下叱五侯七貴皆羣
奴周顒北岳容狀俗杜甫西溪形影癯何如徐子巖
澗樂悅遊退谷泛杯湖我更對君發浩想天下名山
非一區峨眉匡廬競雄灝台蕩九子奇秀俱君何不
結廬于巨靈之掌夸娥之趺象王之鼻玉女之顙雲

海盪其胸魄簾瀑滌其神膚何但規規家山一片石
直欲跨嵩嶽岱吞衡巫徐子大笑公莫迂姑山艸堂
天下無噫吁嘻誠如君言姑山艸堂天下無

黃人謠

并序

余秋日返金陵有一客謂余曰子無所不佳
但恨太真爾數日又一客謂余曰子窮而寡
合其病在不俗爾嘻有是哉遂爲長謠以實

斯語

黃人黃人誰令爾太真復不俗從來俗則不真真則

不俗我觀世間兒不真者多于太真太俗者多于不
俗爾太真則不真者嗔爾不俗則太俗者忍所以家
無卓錫併無儲粟喪狗纍纍窮猿蹙蹙我觀古今人
太真者無如嵇阮與陶王不俗者無如李杜與皮陸
彼皆江湖酒民羲皇聖僕能龍能蛇亦魚亦鹿又其
上者則臯夔稷尙之儔伊周孔孟之屬文章事業何
一不真廊廟山林了無一俗彼其世則于于徐徐其
人則渾渾穆穆今何時哉地老天荒海枯嶽秃詹尹
策策策皆迷步兵途途途可哭舉世皆不真以太真

者爲猖狂舉世皆太俗以不俗者爲鳩毒黃人黃人
誰令爾太真復不俗

社題修禊

曲水千年事平山此日觴羣賢猶竹影一國自蘭香
姓字元無垢詩書詎不祥共誰爭沐浴日月照滄浪

贈毘陵先輩

天下真先輩于今得幾人乾坤存本穴日月沐閒身
世上蛾眉賤山中鶴髮新離騷應醉讀誰復紀庚寅
錢公招集客園是日雨後晚晴見月聽小友奏

新聲暨歌兒隔竹度曲以牡丹亭牙牌行酒

囚賦四首

蚤乞東山墅還耕南郭田衆香真可國萬綠自爲天
秦漢桃花外羲皇楊柳邊海桑紅幾度絲竹笑平泉

其二

得趣無非水移情況有山乾坤藏屋底海嶽在窓間
巖溜標蒼骨林煙散翠鬟側聞天帝醉此日半開顏

其三

雨霽惟宜閣風輕恰得廊煙雲看世代丘壑寫文章
大樹祠偏古小山徑欲香閒人能幾輩池上話斜陽

其四

坐想江湖白遙分齊魯青十年塵乍浣千日酒還醒
小史憐新月狂奴恕客星飛觴休選曲已在牡丹亭

錢子園中構一亭其南面濱梅餘則竹環之余

爲題曰玉霍爾雅云大山宮小山霍蓋小山
居中大山繞之如宮其名曰霍也

表裏兼蒼秀將山比墅看一方雲自白三面玉皆寒
坐愛聰明淨吟知字句難美人能獨立幽翠正相安

次韻答周子

避地常浮宅偷生且授經家中徒壁立江上或峰青

薇蕨何辭餓糟醅豈願醒窮愁真我輩相見賀飄零

香櫟代妾詩 有引

杜子新亡愛姬歌哭無緒偶同余入市買香櫟四枚余笑曰貧士何須此杜子曰吾聊以當妾與余分攜袖歸因感而爲詩

宛轉情何極空花色假真當年應共命此日再生身鼻觀非非想魂香了了因孤山容甲帳梅畔李夫人友人處遇乩仙與余輩唱和數日甚樂

東海揚塵日南山好道年人閒空說鬼身隱只歸仙

龍鶴三秋駕龜魚半夜箋窮愁良得意爛醉菊花天

余館所濱江每薄暮無聊輒出戶看斜陽因思

唐人句云夕陽無限好只是近黃昏若以黃昏爲恨者余謂夕陽之妙全在黃昏向非黃昏夕陽安得佳耶遂用轉語翻案爲夕陽解

嘲

羣岫當時變奇雲此際奔美人多竹閣詩客半柴門
艸樹三秋色江山萬古魂夕陽無限好正喜近黃昏
雪夜集友人齋中醉歸卽事二首

今宵天下白我輩共寒燠世外風波話樽前磊塊情
龍蛇冬自苦魑魅夜何榮萬事如陵谷開門已不平

其二

往來俱朗朗身入畫圖行韻語燈前積奇懷醉後生
漁樵天半壁鴻鵠夜三更何處驚鴉夢溪橋大笑聲

江館歲暮雜詩十五首

有名呼聖僕無罪作書囚原憲歌非病陶潛乞不羞
崔羅同馬肆鶉結異羊裘慚愧臯比號藜牀坐幾秋

其二

依然窮措大兼似苦頭陀閱肆千篇少饑寒入口多
安貧阿造物忍辱學波羅祇說升平好翻空鼓腹歌

其三

十笏維摩室三家學究村不蘄樊雉樂但覺井蛙尊
弟子名空寄先生道自存笑他汾水畔將相出何門

其四

鬱鬱誰能遣冥冥自可飛螿龍雖不死野鶴竟何依
抱膝春風老埋頭夜雪饑儘教萊婦笑還似著麻衣

其五

親朋皆薄祿奴僕竟無宮命爲文章賤途因節義窮
青氍仍舊物阜帽豈高風盛德慚君實逢人喚相公
其六

長夜心何樂窮冬氣更悲山川無語日天地不通時
帖括偏隨我詩筭欲寄誰鴛鴦將鬼域應避廣川帷
其七

車馬塵元苦蟲沙劫亦冤聖人曾似狗君子已爲猿
竹葉都無分桃花久不言有時逢四美村社賽梨園
其八

問字門如水談經甌自塵陳商看白晝鄧禹笑青春
八股還魂債五言落魄親分明窮舉子只恨欠頭巾
其九

歲月泥犁底生涯羅刹中無人堪說鬼有事只書空
拍岸驚濤白開門返照紅怪來乾亥向日日嘯西風
其十

四海家何在三冬曆又殘龍蛇隨我困鴻雁向人寒
澤畔徒清醒河干豈素餐雖云薑桂辣終帶甕蓋酸
其十一

此地饒糠覈誰知念筆耕
魂魂財虜氣脉脉旅人情
悍僕時爭道頑童或斥名
祇應傭豎輩賣菜識先生

其十二

一寒真至此人尚訶空
囊可笑焦螟睫應憐腐鼠腸
惱公今日劇知已昔人傷
却感隣僮諗葡萄任過墻

其十三

陸莊誠拙計匡席亦彊
顏師本君親列儒今娼丐間
傭書憐匠憊乞食羨僧閒
近喜聞根淨無人勸出山

其十四

總不合時空休猜一肚皮
蠅頭人自狠雞肋我何癡
黃白能雄世青藍豈讓師
盜憎兼鬼瞰箇是守錢兒

其十五

喜怒供紈袴招麾任素封
卑汙良易合方正固難容
自笑昂藏骨誰澆塊壘胸
畸懷何所託泰岱有孤松
余屢爲人作書鐫篆厭苦
殊甚漫成二詩以謝

索者

自是前生債何關後輩師
忍饑常吮墨失意復臨池
共惜丹墀策

余庚辰廷對策精楷合古法讀卷者擬
第二人進呈後竟不蒙
聖鑒都人嗟

愧私慙黃絹碑余童時曾書曹娥蘭亭帖數種為好事者摹勒流傳至今慙恨換鵝
衣鉢壞空自惱羲之

其二

有筆應呼鐵

鏡印刀名鐵筆

能雕亦號蟲捉刀徒自苦鑄石

竟何功鐘鼎名空在圖書義不同

篆章俗呼圖書不知所始

壯夫

生計拙技小笑兒童



乙酉季秋訪董子于閩海憩齋中信宿因過天

竺菴登白雲山觀日出賦贈一首

薊北江東好論文十年鸞鶴嘆離羣忽來滄海看紅
日恰有青山號白雲屋比松寮書數卷叁如蘭舫月
三分蕉花閱盡興亡夢痛飲騷壇定屬君

贈別錢年兄

十年花柳笑危冠此日欽崎共歲寒怪事滿空書咄
咄商歌長夜嘆漫漫掉頭東海瓢常掛抱膝南陽劍
自彈夢破蒲團春又老雞聲幾度過邯鄲

贈別朱年兄
相逢咏史復歌騷
閒聽黃鸝罵碧桃
我輩生涯惟冷淡
時人意氣且雄豪
調翻郢雪音難和
夢入巫雲賦自高
濁酒一杯琴一曲
皇天后土笑蓬蒿

次韻贈萬年兄

英雄失路嘆離居
閒殺臯夔且讀書
雙匣蛟龍經戰後
一編蝌蚪是焚餘
寄愁天上閻難叩
作苦田間圃自鋤
莫怪風雲多慘澹
星文夜夜照蒿廬

庚寅秋日與友人同客毘陵僧舍相對窮愁以

詩索笑

黃金紅粉未銷愁
野寺相看只敝裘
舉目河山千古淚
對牀風雨兩人秋
時危家破憐張儉
地老天荒笑馬周
赤白洪崖齊拍手
誰人客帳夢封侯

儻居

天空海濶竟何如此
日英雄且儻居
擊筑市中誰進酒
賃春廡下自鈔書
一春風雨牛衣老
十載江湖馬肆虛
輸却雲門行脚漢
竹煙松月總精廬
賦得月湧大江流

蒼茫灑氣戰空明
灑灑流光月有聲
山水皎然秋萬里
文章奇絕夜三更
影迷烏鵲身難定
響落魚龍夢亦驚
無限客心悲木末
沙鷗天地一舟橫

和韻復程子西湖詩

并序

往余初至西湖作詩十首中有畱命配西施之句頗爲騷客傳誦有新安程子擱然不平亦作十詩爭之爭之甚力尺楮間幾成廣武昆陽之勢余乃以癡聾付之此湖亦默然退處閒田矣別去五載至壬辰之秋余偶繇武

林沂三衢程子復投余一詩末句云扁舟一棹蘭江去贏得西湖不字黃噫豈程子餘妒猶未忘耶昔何報之速今何銜之深且西湖之字黃久矣程子未之知耶因復和一詩以挑其怒怒則來戰

山水知吾故態狂
蓬飄痛飲自飛揚
揭來西子玻璃國
真似盧家玳瑁梁
明月何曾虛畫舫
白雲兼可老柔鄉
酒壚多爲黃公醉
肯信茲湖不姓黃

信安旅舍遇三山林子酌酒話愁生平可念欲

作一詩相贈久之未成于月夕醉別偶占起
句云相逢俱是歲寒人林子卽賦二章寄余
龍丘因次來韻漫成四首 刻三首
相逢俱是歲寒人何處桃花許問津雲暗兩都多涕
淚月明三楚少精神山中嘯傲衣冠冷市上悲歌劍
筑親猿鶴蟲沙同幻化任呼賤士與愚民

其二

相逢俱是歲寒人聞說羣兒競要津笑我梅妻將鶴
子看他牛鬼共蛇神賃春廡下無賢主賣卜橋頭有

老親偶到龍丘棲隱地千秋猶見漢遺民

其四

相逢俱是歲寒人處處風波妒婦津鸚鵡才高憐木
偶鴛鴦命薄恨花神美人名士前生福孝子忠臣異
代親誰願揚州誰願鶴從今乞作太平民

壬辰冬日客游龍丘適晤閩漳李生擬作一詩
貽之忽忽未就一夕夢閱它人詩艸見帙首
標二語云白乳弔香晴日詠寒潮吹夢七年
心顧見李生在傍笑語之曰吾與子相別非

七年耶醒而異之計余與李生相別自戊至
辰屈指正如其數因用爲起句漫賦四律以
示李生 刻三首
寒潮吹夢七年心閩越風波感慨深四海無家嗟狗
喪萬山有客聽龍吟秋冬蕭瑟離騷氣虞夏淒涼大
雅音欲寄閒身雞犬外桃花天地杳難尋

其三

寒潮吹夢七年心鷗鷺神州半陸沈匣裏龍鳴懷劍
俠案頭螢死愧書淫高人曳履歌商頌壯士衝冠變

徵音每望扶桑應下拜田橫賓客淚沾襟

其四

寒潮吹夢七年心夜夜天橫醉後參呼我馬牛惟大
笑化爲猿鶴亦長吟家徒四壁芙蓉老門掩千峰薜
荔深祇合墻東同避世嵇生濁酒阮生琴

秋日與杜子過高座寺登雨花臺

被髮何時下大荒河山舉目共淒涼客來古寺談秋
雨天爲高人放夕陽去國屈原終婞直無家李白只
佯狂百年多少憑高淚每到西風濺幾行

秋日獨登觀象臺望故宮及功臣廟一帶遺址
獨來獨往意何如
羈客心孤興不孤
落日河山千古
在秋風天地一人無
英雄感慨麒麟閣
神鬼挪揄燕雀湖
高處不須搔首問
碧翁大事久糊塗

寶山寺浮來金像三首

像出蜀之峨眉宋嘉祐間乘鐘浮至舊江寺僧

收之其鐘復去今在潤州甘露寺

金入水卽沉佛乃多狡獪能使身如羽復令鐘如芥

其二

巴江去鵲江相去六千里水豈能浮佛佛或能浮水

其三

佛旣乘鐘來鐘不隨佛住佛奇鐘亦奇飄然赴甘露

丁子襄陽人而客于衢思歸不得以告歸賦見

示余旣悲其志且以自悲因題短句酬之

吳人不歸吳楚人不歸楚天地兩癡聾芻狗吾與汝
冬夜醉後步月忽成絕句

大笑霜前影長吟醉後身好天如上世明月似閒人
可嘆無知己十首

刻六首

流水高山志清風皓月襟可嘆無知己紅塵溷道心
其三

羲皇彭澤柳虞夏首陽薇可嘆無知己黃冠何處歸
其五

文高兜率塚詩滿蜀江瓢可嘆無知己虞翻恨不銷

其六

高僧萬松谷名媛百花村可嘆無知己春風獨閉門

其八

東海三山棹崑崙五嶽觴可嘆無知己閒雲笑夕陽

其九

大鵬憐斥鷃腐鼠嚇鷓鴣可嘆無知己牛醫共狗屠

過延平黯淡灘
 雪浪奔雷響亦寒
 輕舸三躍即安瀾
 都將平日光明
 事來過今朝黯淡灘

過仙霞嶺值陰晦擬不得見江郎石矣至次日
 忽明霽方得覩所謂三片石者

江郎面目今朝見
 矗立森然偉丈夫
 底事昔年相妒
 甚一天烟雨綠模糊

巖陵釣臺 臺在山半夫水可數十丈

突兀高臺蒼靄間
 朱絲千尺也應閒
 羊裘老子真奇

絕不釣溪流却釣山

秋暮與諸子同登毘陵城東見深綠中夕陽樓閣憑眺久之真黯然魂銷也

無情天地又深秋人盡言愁我更愁記取毘陵城上路大家惆悵夕陽樓

辛卯秋重過廣陵關帝祠樓舊寓見壁間墨蹟

猶鮮乃戊寅歲畱題也蓋幾經兵燹矣慨然

有咏

城郭人民半似煙高樓醉墨尚依然乾坤無恙秋風

老一夢揚州十四年

張子客遊廣陵與李姬訂盟歲杪言歸殊不得意旅中諸子爲置斗酒話別限韻各賦七言

絕句余分得河字輒賦三首

盡呼羈客餞星河離恨天中發浩歌兒女英雄齊下淚不知哀樂屬誰多

其二

曲終怕聽懊儂歌我輩鍾情豈貴多躑躅御溝畱不得可憐舉目異山河

其三

鳳皇一曲感人多
誰信枯魚自過河
賢似伯鸞窮亦好
何妨同咏五噫歌

江館絕少閒庭亦無花
竹因憶昔年讀書金陵
時所至輒有桐陰竹翠
卽萬不得已亦列植
芭蕉代之而此地闐然也
感咏四首

百尺桐高不世情
每敲疎雨入書聲
故園荒盡魂猶綠
三十年前手植成

其二

寫盡風晴雨雪詩
月明虛檻倍相思
此君雖好無人種
惱殺王猷總不知

其三

千頃寒雲好結廬
亦空高士亦名姝
綠天小隱何年築
乞種紅蕉一萬株

其四

萬紫千紅我輩情
更逢幽碧道心生
誰教空谷蓬蒿笑
富貴神仙兩不平

觀凌歊臺故址二首

姑孰黃山顛劉宋建
離宮處今僅存片石

一代豪華夢已殘當年歌舞幾鳴鑾莫言片石無光彩直作千門萬戶看

其二
霸業文名總寂寥夕陽荒艸弔凌歊若教頑石能言語便與從頭話六朝

乙未七夕立秋

雖多離恨亦風流但說新歡莫說愁漫向井梧嗟葉落雙星今夜恰宜秋

秋暑江望

茂林脩竹真難得蓬戶朱扉總不空莫道開門無好句夕陽秋水一江詩

近日詩人太多詩刻太盛余竊憂之因爲二絕
但關文字卽菁華爛熳能畱幾日花二十年來多戰血艸池何處不聞蛙

其二

竹青油素總離離萬卷城高亦自危梨棗有妖能作焰將來莫遣祖龍知

詩不可無序如西湖三戰詩尤不可
無序然詩皆可無序如西湖三戰詩
獨不可無序顧誰爲序西湖三戰詩
者將使黃子序之黃子曰我三戰人
也將使程子序之程子曰我三戰人
也將使羅子序之羅子曰僕已解紛

矣誰爲序西湖三戰詩者于是程子
過羅子而喟曰邈乎廓哉誰爲序西
湖三戰詩者羅子曰僕方作三詩人
咏三詩人者皆非鳩產而先後旅于
鳩謂二君及曹石霞也然則此詩之
序請待石霞可乎黃子曰可



小引

古今尤物稱西子然其初苧蘿村女耳自吳越相競
而西子之名益著西子湖之比西子又千百載徃矣
予曾遊止其都一泓如鏡兩峯黛色簇簇媚人昔樂
天子瞻風流遺蹟炳耀來茲未聞如郎官僕射并其
地而有之也今黃程兩公才人遊戲筆鋒墨陣橫互
于荷花桂子之間輸攻墨守各極其技覺從來名人
韻士悠悠忽忽以六橋三竺爲公物雖流連玩賞終
同泛愛一經兩公反唇攘臂西子湖增榮益觀聲價

西博三輝
頓長雖然今日之西湖不歸黃則歸程譬之夷光非
嬪夫差卽壻少伯天下豈有中立兩可之佳人哉兩
公詩出西子有靈必能陰相一人以屬之者終未許
強委禽也

于湖再來人沈士柱題



西湖三戰詩

錢唐 程光禪奕先氏

鍾山 黃周星九煙氏 同著

于湖 羅世繡璪柯氏

戊子之戰

冬月初至西湖十首 并序

九煙

何物西湖復兼西子之號幾年南渡遂擅南
國之名風韻在一水間畫圖遍四天下豔傾
前代才士未免鍾情近出東家名人或難識

西廂三遺稿
面望明河而不語咫尺三山嘆荒徑之無媒
方寸五嶽日月逝矣風雨凄然僕生也不辰
來兮何暮換殘新綠衛孌之髮難梳落盡深
紅杜牧之腸堪斷香飄千錦障誰教錯過花
時淚濕雙明珠却恨相逢嫁後如桓主之持
李妹亦殺亦憐似沛公之得蕭侯且喜且罵
梅驚初度已負我三十六春菊誤重陽須償
他一百五日聊拈十韻自壽三觴

天涯幾歷遍今始見西湖饑漢江瑤柱鰥人雒浦姝

神全癡頓減見晚恨寧無勞我廿年夢誰償花月逋
其二

見面難如許相思久更加雙拋疑海豆十訪甚蒲花
綽約山兼水蓮娟月復霞從今成熟識好向外人誇
其三

乍見防唐突熏香盥露時想何從預設貌不敢全窺
北苑傳神筆東坡得意詩揚州那可死畱命配西施
其四

不信當吾世茲湖獨少緣著殘幾兩屐畱得一文錢

贈我明明月銷他澹澹煙晨昏須供養百拜米家船
其五

坐臥空明裏琴言與墨香美人懷不淺僊子興難忘
四面陰晴畫六時濃澹粧此中真可老誰問白雲鄉
其六

是我胸中物偷移傍武林半生勞寤寐匝地費追尋
忽向花前見還疑夢裏吟請依蘇小例松栢結同心
其七

衆人皆欲醉我見獨相憐久厭笙歌寵新參書畫禪

眉痕愁晚岫卯色想春天速向東君道鶯花著意妍
其八

哀樂殊今管炎涼孰是非兩峰猶秀色一水自澄暉
白雪翻歌板明霞贈嫁衣渾如范少伯載得館娃歸
其九

誰令鶯花國翻爲水草鄉吳山真立馬滄海欲生桑
楊柳元無力薜蘿別有香人言蒙不潔我見尚明粧
其十

湖今爲我有天地不須愁真向鏡中過殊勝畫裏遊

琴樽堪一世脂粉也千秋何福銷尤物梅妻笑敝裘

和黃九煙司農初至西湖十首

步來韻有序

奕先

告九煙司農西湖者乃我之西子也少長及
今從來相狎華弱本弱官奇無奇教持則厭
因思帆海浮湘數見不鮮且欲夢巫感雒棄
捐濃抹冷落澹粧比蕩舟之蔡女鹵莽送回
若匪石之莊姜寤言不答夫何若士遠遊此
間觀止後庭麗曲寫出佳人行雨新銘描來
神女遂使彥先聽而拜北辰之星司馬聞而

迴茂陵之駕可謂詩爲媚藥功等合歡者也
獨恨橫干碧玉輕睨綠珠顛狂周顛將露醜
以無慙放達謝鯤欲折齒而不顧縱中山陰
姬未立趙王意移但羅敷夫婿自殊使君氣
沮挑之必怒原同習禮明詩持此安歸非若
壺醯醢醬物各有主是亦多言敢請施施仍
還范范詩曰

向以一杯水強而名曰湖縱然非里醜未必是都姝
豈意高唐少從教雒浦無祇今妻子樂我欲類林逋

其二

習久因成賤於湖寵不加恩情秋後扇嫌棄夜來花
新婦思磯月女兒想浦霞寧知岐路美子建竟深誇
其三

湖本同臣曲目成復幾時霧蒙真幕擁霜白乃墻窺
山石無堪語海棠未有詩伯鸞精擇配抹殺一夷施

其四

好色子非不湖尤肯作緣挑人勞柳眼買笑儘荷錢
宿醉迷爲兩殘粧暈入煙息媯繩語好我欲治樓船

其五

有湖空月下無隱足花香一顧誠難得多愁每健忘
臨春歌玉樹狎客賦催粧頓使髡能石頽然到醉鄉
其六

謂湖非妙選博採及山林玉女專房可蛾眉當夕尋
近前遺娥媚遠道費沈吟早讀當壚曲如何離賞心
其七

披露啼粧罷湖如小阿憐詞人多惑色妓女孰參禪
拭鏡花搖月踞牀綠漾天尚書自能品王子賦空妍

其八

長門湖有望玉帳是邪非合意無多日離情怨落暉
鵲聲中夜淚雲錦一天衣載詠相如賦回心接手歸
其九

湖是繁華子今來何有鄉春思縈蔓草風致攝條桑
晞露光猶鑑浣花體更香倡家君莫誤夫壻自窺粧

其十

湖原爲我有之子枉多愁不見使君力難從秦氏遊
同聲惟百歲採葛偶三秋何所無芳草偏耽老菟裘

壬辰之戰

秋日與黃九煙司農湖上話舊詩 奕先

此九煙假道西湖之三衢而予餞之以詩也
歲在戊子九煙初至西湖有畱命配西施之
句余曾作詩爭之故此篇末句云然

勝地初看滯酒狂浮家三載又維揚功名惱我推車
壁辭賦懷君仰屋梁只許重逢如昨日肯教少別更
他鄉扁舟一棹蘭江去贏得西湖不字黃

次韻復程子 并序

九煙

西
往余初至西湖作詩十首中有畱命配西施
之句頗爲騷壇傳誦有新安程子擱然不平
亦作十詩爭之爭之甚力尺楮間幾成廣武
昆陽之勢余乃以癡聾付之此湖亦默然退
處閒田矣別去五載至壬辰之秋余偶繇武
林泝三衢程子復投余一詩末句云扁舟一
棹蘭江去贏得西湖不字黃噫豈程子餘妒
猶未忘耶咎何報之速今何銜之深且西湖
之字黃久矣程子未之知耶因復和一詩以

挑其怒怒則來戰

山水知吾故態狂蓬飄痛飲自飛揚
國真似盧家玳瑁梁明月何曾虛畫舫
柔鄉酒壚多爲黃公醉官信茲湖不姓黃

姓爲名如李衛
趙管之類皆是

女子以夫
姓爲氏已

丁酉之戰

與新安程子決戰詩

并序

九煙

曩歲在戊子余初據有西湖程子爭之不得
越壬辰余再至西湖程子又爭之不得至丁

酉秋相遇鳩茲時西湖已歸余十年矣程子
不復言久之乃出江上吟一卷示余嘻程子
不爭湖而爭江爭江猶爭湖也夫江余家也
湖余室也舊歡新寵詎俱難捐顧師老寇深
積怨奚解無寧以江易湖遂移文告程子程
子報曰如約旣已寢兵矣未幾程子復投余
一詩似譏似謔且曰避鋒曰割地類巾幗然
嘻是豈能如約者哉卽如約固當攻之于是
以詩代檄與程子決戰

自古何人爭西湖爭者黃子與程子飛羽走檄累十
年不吞西湖勢不已誰知西湖久歸黃澹粧濃抹來
堂堂林逋蘇小皆拜送此後無復野鴛鴦咄咄程子
不量力違言郊戰如鄭息一戰戊子再壬辰赤壁淝
水徒空國黃子奏凱乃北征南方自料不煩兵湖身
雖寄武林曲煙魂月魄盡隨行別去五霜歲丁酉二
子參辰良亦久無端萍合魯明江相逢一笑惟拱手
欵坐徐出江上吟黃子讀之頻拊心騷國久治數當
亂劉項吳蜀仍相尋咄咄程子何憍倨管湖今江等

非據湖則我湖江我江誰有讓君輕攫去森然武庫
矛戟張便欲重臨舊戰場復聞天道忌貪黷自古佳
兵號不祥頓兵且作仁義想豐茲嗇彼理無兩二者
可兼何必兼江其魚乎湖熊掌一取一舍本人情交
易各得期息爭豈知程子終倔彊陽服陰叛盟難成
貽我長牋紛纏纏美刺竝陳刺過美避鋒割地是何
言聞此令人投袂起我本養鋒言避鋒擇地誣與割
地同可見仁義全無用唐虞豈敵滄池雄咄咄程子
我好友每得佳篇不釋手施施范范墨如新昨日東

冬猶在口

施施范范昨日
東冬皆程子句

奈何負氣屢憑陵小若螳

車大鷄鵬我本尚德不尚力對此不覺心飛騰急召
墨兵討軍政百靈萬怪皆奔命豐隆列缺作前茅海
若馮夷爲後勁詰朝相見碧油幢邾莒之國齊魯邦
耳後生風鼻出火桓桓百戰氣無雙山搖海立天地
震龍蛇虎豹相衝撞勗哉程子好自愛莫教失湖并
失江

與黃九煙司農大戰于鳩茲詩

步來韻
有序

奕先

錢塘江上鳳凰山下天所立西湖主人程光

禮謹再拜寓書于秦淮河口桃葉渡頭自稱
西湖主人九煙黃公閣下蓋西湖者固我之
西子也我嘗重愛西子輕滅江黃良家選四
十賢人伯功成六千私卒我方多君退三舍
也別去數載忽漫相逢我作詩曰贏得西湖
不字黃君答詩曰宥信茲湖不姓黃夫姓黃
則果不字黃矣我故晉師不出也偶來江上
復有清吟我豈有意將舟戰于江哉君乃猥
以大江歸我我久嬪湖主重媵江妃左江右

湖其樂無有遂啞然笑而受之而給君曰如
約卽止如約卽止者正如約而不宥卽止者
也君乃橫肆狠暴便將并吞江湖顧此呶呶
我安得默然而已乎不以玉帛相見而以興
戎惟是一矢相加遺敝邑之幸亦云從也

自古何人爭西湖爭者程子與黃子程子之爭非憤
驕敵加于已不得已贏得西湖不字黃月白風清有
美堂草莽野空驅虎豹菰蒲水暖睡鴛鴦黃子獨特
拔山力挑戰致師未宥息敢以盧家玳瑁梁竊比西

子玻黎國我方是時厭戰爭豈能黷武窮墨兵况復
經言歸勿過任君宵遁避顏行遂與西湖數卯西其
筭天長而地久舊曲多歌咎咎鹽新聲還唱大垂手
偶來江上有閒吟未如松栢結同心人言黃子江上
住夢日亭邊試一尋黃子袒裼仍前倨意內西湖尚
竊據絕世聰明絕世癡千里相思夢曾去與我把臂
鬚髯張真疑旗鼓在疆場反軍相向我無畏若殺已
降卽不祥忽然黃子靜回想予汝英雄天下兩假使
以江可易湖鴻溝盟定如指掌笑君官路當人情此

議如何得息爭不道西湖我所愛祊田故事不可成
我乃好言洋復纒掩君之過揚君美謂君割地固知
幾平原十日與君起因之深匣太阿鋒不欲一麾晉
鄭同君苟罷兵我不戰庶幾守雌是知雄何期勅敵
卽良友長篇嫚言過毒手寧徒學寫絕秦書討曹一
檄猶戕口我觀其氣甚馮陵鯤魚不翦將爲鵬但教
三鼓氣已竭我乃驅車策馬騰疇咎之牟子爲政我
必使爾疲奔命夏姬業已逐巫臣空用中權與後勁
與君相見碧油幢我寧鬪智似劉邦請出翰林及子

墨如以布越佐無雙怒髮直指三千丈筆陣圖中劍
戟撞拚道人心苦不足既得湖兮復望江

羅子解紛

江上弄丸詩

并序

黎柯

曩者穀城老人遙胷與程伯休父裔孫眇明
聖之湖光作移人之物想莫不溺同情塹擬
芋蘿獨配鴟皮遂至競起詞鋒勝蠻觸紛爭
蝸角雖交綏暫解有如脩教于三旬乃捲土
重來忽似尋讐干九世嘻其太甚長此安窮

走技愧弄丸願同射戟異引虞芮質成之訟
用息晉楚爭鄭之師爰述本末其後託爲巫
陽下銜帝命進二子而詔焉

上帝啓闡闔羣真謁蕭臺嶽瀆上封事兵氣生江隍
乃是兩蝨臣誤爲天所才本結雞壇盟構鬪俄然開
所攫一杯水彼我心嫌猜十年未悔禍干戈伏樽壘
前事怙餘勇墨池揚戰埃請帝降六丁分遣此怪魁
邈若參與商中天隔昭回無俾穎楮聲甲仗殷風雷
用訓膠漆友美好通往來帝也披章啞然笑罪小何

當頒譴詔青雲城外命巫陽下土爲予規二妙告以
前車金海陵朶頤荷桂殂凶嘯天吳不爲徙西湖烏
牛白馬貽憑弔西湖西子總戕人越娃吹火蘇臺燎
人生實難豈不聞安用墨兵爭窈窕寧爾丹元保盛
年微愆許向星辰醮巫陽再拜白帝前臣往能令袖
老拳未知尤物究何屬乞將處分批來牋帝言此物
充閒田晝遊士女宵遊僊僊耶人耶誰能專在管長
源及樂天子瞻和靖曰四賢玻瓈千頃經畱連誰曾
專欲妻此淵錢塘江口舊魚船通人羅隱家雲煙精

靈終古長儼然陽往救彼烹秋編延觴二妙設誓堅
蹊田往事各自捐貨寧棄地毋流涎巫陽拜起欽帝
宣禁碑請揭南高顛金書鳥篆青瑤鐫影落明湖千
萬年

閒情雜咏

鍾山黃周星九煙咏

偶作春閨集句

金縷濃熏百和香 困人天氣日初長 幽窓漫結相

思 夢睡起楊花滿繡床

無題

酷似江東大小喬 總無珠翠也妖嬈 若教賜浴温


閒情雜咏

泉水粉膩脂香玉兩條

二

湘竹娥英對倚簾林風閨秀似鷓鴣家常粧束渾
閒事難得凌波一樣纖

偶與二友同舟一友暢談時事及余余曰吾
素無名利之想但生平有二恨一無知己二
無奇緣今但願得遇一文君足矣一友笑曰
世間寧有老相如余日又安知無老文君耶
友曰公真情癡也余卽笑吟云底事情癡癡



樂否驛亭何處醉黃花

二

木葉寒砧遠戍悲人間那得萬回兒
毋嗟予季疲
行役梅嶺榆關總未知

三

苟全性命愛茅廬文武勲名恐未如
馬上泥金知
是否驚呼小玉問家書

四

口舌經年費揣摩力田刺繡枉蹉跎
刀頭夜夜懸

明月別淚何堪付逝波

五

立盡斜陽望盡雲日長香篆冷殘熏心中祇是憐
夫婿意外何曾夢使君

六

土風到處入斯篇日近長安自杳然正練吳門空
極目堤邊艸色只連天

七

十年湖海盍歸歟八月幽風樂有餘卯酒午餐聊

共慰柳陰贏得狎樵漁

八

黑貂零落泣王孫立馬千門月影昏日日登高勞
遠望黯然何處不銷魂

九

凶吉難憑卜筮借內爻應勝外爻乖佳人自是無
心緒離坎當中却倒排

十

禾黍秋風念異鄉火流又促授衣忙心心欲織廻

文寄愁見梧桐墜曉霜

千春一恨集唐六十首

代友

千春一恨者思彼美而不得也彼美伊誰
蓋出于某王孫之家而衆人畜之者也某
與王孫同避亂福唐西陳村見而慕之王
孫固夙稱交好者初慨許持贈旣而負約
百計求之益堅秘爲奇貨某無可奈何屢
集唐句相貽異其一悟乃王孫頑狠自若
不成報章某悵恨經旬因與王孫訣別移

寓東溲自此彼美音容杳然判若隔世矣
每五夜徬徨拊枕咄咄因思昔人所云英
雄如項籍而不得天下高才如杜默而不
得一第今風流俊逸如某而不得彼美此
三恨者真堪鼎足千古雖然某湖海元龍
生平奇遇較多亦安可少此一恨所可慨
者王孫之不仁而彼美之薄命耳中懷啐
嗥久不能平因漫次前後所集唐人語共
得絕句六十首藏之名山傳之後世以告

天上人間千秋萬古之情癡詩人如某者
初集十首

芙蓉如面柳如眉盡日含毫有所思惆悵春歸留
不得曉鶯啼斷綠楊枝

二

清歌妙舞落花前夫子紅顏我少年若問玉人殊
易識娉婷十五勝天仙

三

天下能歌御史娘等閒教見小兒郎無情不似多

情苦擬託良媒亦自傷

四

白日姮娥旱地蓮當時求夢不曾眠人生豈得長
無謂閒過春風六六年

五

門前初下七香車二月中旬已破瓜不管相思人
老盡隔江猶唱後庭花

六

上清仙子玉童顏只許含情背後看但使主人能

閒情雜咏

七

醉客一生長對水晶盤

七

一寸相思一寸灰落花流水認天台由來此貨稱
難得不踏金蓮不肯來

八

道是無情却有情千金莫惜早蓮生兒童不識冲
天物惡說南風五兩輕

九

隴隴樹色隱昭陽不辨花叢暗辨香誰謂此中難

可到盡知三十六鴛鴦

十

一月主人笑幾回更逢山上一花開藤蕪亦是王
孫艸嫁與春風不用媒

再集二十首

南宮風月寫難成一笑從教下蔡傾從此不知蘭
麝貴內家叢裏獨分明

二

分付新聲與順郎一枝濃豔露凝香佳人已屬沙

吒利惱亂蘇州刺史腸

三

三十無家作路人樓前相望不相親
桃花流水深千尺願得乘槎一問津

四

鈿暈羅衫色似煙妖童寶馬鐵連錢
十年南北看燕趙半採紅蓮半白蓮

五

玉釵斜壓髻雲鬆人面桃花相映紅
若使春風會

人意世間應不要春風

六

淚濕羅巾夢不成信知尤物必牽情
春宵苦短日高起却是劉楨坐到明

七

清潤潘郎玉不如枇杷花下閉門居
黃姑阿母能拚剖歌舞閒時教讀書

八

鬢鬢聞香不是香風嬌小葉學娥粧
遙知楊柳是

閒情雜咏

九

門處隔得盧家白玉堂

九

夢來何處更爲雲忽到窓前疑是君玉樹後庭花
一曲人間能得幾回聞

十

盡日無人屬阿誰阿誰曾似與嬌癡也應攀折他
人手何不相逢未嫁時

十一

可愛深紅愛淺紅野花黃蝶領春風玉童私地誇

書札一片西飛一片東

十二

紅衣落盡暗香殘幾許幽情欲話難憶得雙文衫
子薄玉容寂寞淚闌干

十三

獨悲孤鶴在人羣夢遶巫山一片雲聞說春來倍
惆悵錦衾深愧卓文君

十四

春色先歸十二樓玉釵恩重獨生愁何時共剪西

閒情雜咏

十

窓燭斜倚紅鸞笑不休
且將團扇暫徘徊
林下輕風待落梅
一種蛾眉明月夜
夜深誰共阿憐來

十六

一生閒坐在傷神
定子當筵睡臉新
聞道欲來相問訊
爲持金籙救生人

十七

莫送春風入客衣
眼前珠翠與心違
何如買取御

孫弄任汝三彭說是非

十八

碧玉今時鬪麗華
豈宜重問後庭花
秦宮一生花底活
願君且宿黃公家

十九

一場春夢不分明
分付鶯花與後生
莫怪當歡却惆悵
人生難免是深情

二十

花恨紅腮柳恨眉
相思無路莫相思
相思相見知

閒情雜咏

何日此恨綿綿無盡期

三集三十首

名花傾國兩相歡
犀辟塵埃玉辟寒
我有迷魂招不得
莫教長袖倚闌干

二

濕雲如夢雨如塵
愁思看春不當春
難得相逢容易別
可能都是不如人

三

花壓闌干春晝長
阿侯繫錦覓周郎
東風不與周

郎便雲雨巫山在
斷腸

四

耿耿星河欲曙天
月明橋上看神仙
無情有恨何人見
却遶迴廊又獨眠

五

銅雀春深鎖二喬
玉人何處教吹簫
却嫌脂粉汗顏色
願作輕羅著細腰

六

傾國傾城總絕倫
全家羅襪起秋塵
無情最是臺

城柳不解迎人只送人

七

露桃花下不知秋何處相思明月樓第一莫嫌才
地薄年初十五最風流

八

知君書記本翩翩疊在空箱得幾年不分桃花紅
勝錦王孫艸色正如煙

九

枝枝交影鎖長門虛負賢侯鄭重恩桃葉含情竹

枝怨月明花落又黃昏

十

不把雙蛾鬪畫長柳花偏打內家香丈夫飄蕩今
如此合是狂時不得狂

十一

宵分獨坐到天明南斗闌干北斗橫若見紅兒夜
深態沉香火底坐吹笙

十二

紅袖香銷二十年一身憔悴對花眠何因得扱真

閒情雜咏

珠履白日將升第九天

十三

滿堂絲竹爲君愁人自傷心水自流願得侍兒爲
道意與君同上景陽樓

十四

芙蓉脂肉綠雲鬟花態嬌羞月態閒莫向
前奏
花落對君衫袖淚痕斑

十五

憔悴支離爲憶君江花亂點雪紛紛思量却是無

情樹半入江風半入雲

十六

樹頭樹底覓殘紅踏閣攀林恨不同世上悠悠安
足論明朝歸去事猿公

十七

逐隊尋行二十春與君相見卽相親相逢不用頻
迴避同是天涯淪落人

十八

紅裙妒殺石榴花海燕西飛白日斜不信比來長

閒情雜咏

下淚越羅衫上有紅霞

十九

南方應有未招魂金屋無人見淚痕天若有情天亦老巫咸不下問銜冤

二十

不將清瑟理霓裳半是思郎半恨郎取次花叢懶迴顧後園青艸任他長

二十一

芳艸何年恨始休夕陽西下水東流一生幾許傷

心事欲採蘋花不自由

二十二

却恨青娥誤少年狂歌痛哭酒樽前得成比目何辭死天子呼來不上船

二十三

可憐春半不還家寒食東風御柳斜繫得王孫歸意切一羣嬌鳥共啼花

二十四

小白長紅越女腮無人不道看花回可憐夜半虛

前席不賜金莖露一杯

二十五

羨爾城頭姑射山
破瓜年紀百花顏
由來絕色稱難得
世上浮名好是閒

二十六

休言芳槿一朝新
不擬教人哭此身
能以精誠致魂魄
也應休憶李夫人

二十七

偷眼蜻蜓避伯勞
黃鸝枝上啄櫻桃
誰能更把閒

心力幻出文君與薛濤

二十八

劍逐驚波玉委塵
岸傍桃李爲誰春
仰天大笑出門去
從此蕭郎是路人

二十九

此身漂泊苦西東
十載青娥不負公
玉樹九重長在夢
定知難見一生中

三十

粧成掩泣欲行雲
荀令香爐可待熏
別後相思隔閒情
雜咏

煙水不知何處再逢君

官舫卽席贈小姬掌仙

姬原名葵英
余爲更之

如見仙仙掌上身芳名去故亦懷新夢維巫峽雲
猶怯花出揚州月欲顰金屋三千誰共夜酒壚十
五正宜春天涇片舫郵亭似醉後何妨擁雜神

次韻贈澹生女史

玉人何用識金銀湘水巫雲好作鄰橋畔春風身
是薛樓中曉日氏爲秦綺栞應伴芙蓉麗錦字休
封荳蔻辛惆悵三年陽羨別東墻可否再窺臣

咏物詩

鍾山黃周星九煙氏咏

戲咏泥美人一首

粉黛真黃土居然號美人息媯無語日那媛獨來
身暮雨行應怯春風罵豈嗔怪他心似石蛾翠亦
長顰

咏物詩

牡丹蓮

花形叢簇如牡丹房中皆吐碎瓣俗呼千葉蓮一名臺閣蓮

誰知姚魏國移向水中央芍藥輸新譜芙蓉愧晚粧
心空能吐豔惹苦亦成香富貴兼仙佛何從着
六郎

咏牡丹

名葩爛熳關新粧酣咏身如到雒陽金粉百年真
富貴丹青三月大文章天分艷色皆殊色國是奇
香異衆香美酒妖姬難乞供願將綵筆事花王
友人以瓷鞋杯行酒宛然纖纖一瓣因向座

客徵詩約字字貼切瓷杯不得移入真鞋
座客多閣筆余漫成六首

誰琢瓊筵月一弓渾疑響屨墮吳宮高擎便欲臨
頤畔細酌還堪舞掌中暖玉滿浮雲液白真珠微
滴鳳頭紅莫言瓦缶無風味醉倒金蓮勝碧筒

二

靜夜傳香愛素瓷製成巧匠惹相思生花未許潘
妃著承露應教漢帝持玉梳但盛紅琥珀春雲誰
裹碧琉璃酒人願化陶家土合共淵明化履絲

咏物詩

二

三

勸飲曾窺纖指痕
屈卮爭似此銷魂
四香捧足宜蓮印
七寶同心勝桂樽
量大翻嫌金葉小
酒寒應想玉跌溫
若將繡履評高下
輪却雕盤鄭重恩

四

漫向雲端比宵娘
盈盈三寸笑瑤觴
杯傾白墮元同色
玉瀉黃流別有香
蓮瓣慣看凝瑪瑙
桃絲遙擬寄鴛鴦
雖非裙底凌波物
醉想凌波興更狂

五

纔說纖鈎便可憐
青絲未勝縹瓷妍
神飛霜屐鴉頭外
心醉霞觴鳳唳邊
仙掌漫教移別殿
妓鞋何必卸當筵
定州正是甄妃里
莫羨臨邛大邑堅

六

想像弓彎製自佳
休論官汝與哥柴
一鈎引興非羅襪
三寸銷魂卽錦鞋
蓮葉黃金羞學步
花瓷紅玉愛投懷
甯封若遣爲陶正
不屬軒轅屬女媧

盆蘭

本自生幽谷何由傍
短籬玉階思謝過
綺石愛王

咏物詩

三

維微夢深閨近親賢靜室宜莫嫌香國小九畹在
披帷

觀音蓮

一瓣亭亭儼雪龕千紅萬紫見應慙誰知東土芬
陀利卽是西方優鉢曇質似芙蓉惟獨立香非簷
蔔略同叅百年一現何容易試問瑤姬可得簪

爲友人題畫冊二首

一片蒼寒臥看宜知爲風雨欲來時南朝四百八
何處猶見浮圖影似錐

二

偶將醉墨潑春潺約略閒情遠近間盡把六朝花
艸恨一齊分付米家山

大竿嶺 越閩分界

幾年懷越地此日別閩天恰過秋冬際重來風雨
邊津梁疲未足性命亂仍全吾道應何往憑高意
惘然

題友人幃額

優哉游榻耶舟醒也夢蝶歟周

題山水畫冊二首

長夏江村艸樹色喜我所思今碧雲千里

二

此暮秋耶盈眸丹碧山水相涵遠不踰尺詩在漁
初霜鴻數隻

題海棠白頭公畫

妃子已醉爛熳春紅何物微禽猶然夢中

題周年兄山水便面

做雲林筆意

長松參天書屋在下竹樹蕭蕭秋容堪把遠山不

藍頑石非赭室中無人疑遯世者神遊其間意象
瀟灑誰歟爲此浸潭大雅是頽侯耶抑雲林也

青浦縣

青浦誰家縣無聊試一過魚蝦臨水賤鶴鶴入城
多所見風猶朴微聞政不苛欲探峰泖勝百里半
桑波

丹陽舟中夜雪

茲宵天果雪雲雨釀多時氣肅神先告魂清夢不
知布衣寒自笑塵鏡曉頻疑閒盼雲陽道公車正

陸離

題宗子新柳堂

如將韻友列山屏
晨夕琴樽願不違
月下王恭真濯濯
風前張緒故依依
香熏小像鴟初語
影落空梁燕乍歸
隔戶長條休挽斷
宮腰著意護書幃

友人索竹溪艸堂詩因集唐句四首遺之

名平瓜地接吾廬
懶性從來水竹居
案有黃庭樽有酒
白雲長釣五溪魚

二

百花潭水卽滄浪
水國蒹葭夜有霜
聞道欲來相問訊
隔溪遙見舊書堂

三

芙蓉開在臥牀前
蝦菜忘歸范蠡船
獨立衡門秋水濶
萬條寒玉一溪煙

四

碧天如水夜雲輕
竹影當窓亂月明
一片揚州五湖白
蘆花深處睡秋聲

集杜題宮子春雨艸堂二首

咏物詩

幽事供高臥山林引興長柴扉臨水碓花嶼讀書
牀霽霧攀高牖春星帶艸堂看君多道氣白日到
羲皇

二

蕭瑟唐虞遠桃源自可尋封侯意疎濶在野興清
深柳影含雲幕泉聲帶玉琴忘機對芳艸秀氣豁
煩襟

遊繁昌縣峩山二首

山有金峩洞
俗呼仙人洞

未必神仙住如斯洞亦佳危崖疑華嶽怪石可蕭

齋李白遊難到劉伶死欲埋桃花遮道笑此客本

天涯

二 山間有石如疊浪錫山尤皜題曰石
雲洞深可十餘丈非燃炬莫入

去郭無三里偷閒試一登石雲流片片山翠落層
層陸地瞿唐峽平疇夏禹陵何年重秉炬探穴看
飛騰

題山水畫冊四首

秋容半山着樹能響杖藜者誰抱琴安往

二

咏物詩

七

此中有詩欲說不似煙樹江帆秋聲滿紙

三

楓荻皆蒼天失其碧我懷伊人橫江一筵

四

竹林少五商山去二對酌陶然松篁交翠指顧之間嵐光欲醉

樓前垂絲海棠

分明妃子醉深簾倦態絲絲睡未厭艷到海棠真第一千紅萬紫是無鹽

和楚女詩十首

并序

鍾山黃周星九煙咏

楚女初不知姓名邑里有燕客游于楚者云
甲午之夏此女遭兵掠至漢江赴水死其屍
逆流千里越洞庭湖而南爲漁人所獲玉貌
如生年可十四五有素悅繫左臂甚固發視
得詩十首人爭傳寫遂達金陵余得之于林

楚女詩

子扇頭讀其詩咸意爲湘江女子也秋燈蕭
颯倚韻和之頌歎誅歎愧深于慟
長夜綿綿未五更荒天老地盡愁城誰傳十首湘
娥怨一夕千秋萬感生

二

嬌羞曾未識公姑天枉空憐反哺烏孝烈名香真
不朽須知生女勝淳于

三

孤竹文山是弟兄奸雄聞此定心驚湘娥雖死何

曾死蝻志當年本不生

四

誰人敢勸易羅衣萬丈洪濤撒手歸却笑黑江何
見晚琵琶空自惜明妃

五

字字分明正氣歌光爭日月豈須多春蘭秋菊哀
終古還勝投詩贈汨羅

六

玉折蘭摧此一時隨光正則是吾師江潭漁父非

漁父帝遣神收絕命辭

七

委蛻千秋卽異珍
貞魂豈復滯江濱
天龍八部齊驚拜
箇是文章節義身

八

萬劫真容儼未笄
汗青重見女夷齊
鬼神但識西山事
此是西山又向西

九

只宜讚歎不宜悲
如戟元非卓氏眉
千里逆流生

氣壯皇天后土可曾知

十

幾多忠孝殉君親
造物于今頗不仁
眼見珠沉連玉碎
癡頑長樂是何人

附楚女原詩十首

家鄉一別已春更
此日含羞到漢城
忽下將軍搜括令
教人尚敢借餘生

二

征帆又說過雙姑
掩淚聲聲聽夜烏
葬入江魚

楚女詩

三

波底沒不畱青塚在單于

三

骨肉輕離弟與兄孤身千里夢常驚歸魂願返
家園路報到雙親已不生

四

遮身還是舊羅衣夢到瀟湘何日歸遠涉風濤
誰作伴深深遙祝兩靈妃

五

厭聽孤兒帶笑歌幾回腸斷嶺猿多青鸞有意

隨王母空使人間設網羅

六

生小伶仃畫閣時詩書曾把母兄師濤聲夜夜
悲何極猶記挑燈讀楚辭

七

當時閨閣惜如珍何事流離逐水濱寄語雙親
休眷戀入江猶是女兒身

八

生來誰惜未簪笄身沒狂瀾歎不齊河伯有靈

憐薄命東流直繞洞庭西

九

照影江干不盡悲永辭鸞鏡歛雙眉朱門空教
諧秦晉死後相逢未可知

十

圖史當年強解親殺身從古美成仁簪纓雖愧
奇男子猶勝于今共事人

夢得楚女姓名

并序

余既和楚女十詩矣終恨其姓字無傳嘗

與林子謀請于乩仙而不得至仲冬長至

夜夢與數友閒談偶詢及此女姓字一友

遽答云姓李余亦唯唯傍一友云君言謬

矣此女自姓盧名佛蓮余不覺恍然因援

筆就案書盧佛蓮三字此友復言佛字非

是乃上从竹頭者余諦思竹部諸字佛音

殊少或是筏字之譌遂復註筏字于傍兩

義並存此友無語醒而異之紀以一詩自

此楚女無姓字而有姓字矣

寶筏蓮臺佛國遊
姍姍甲帳豈堪儔
湘江水月身
重現不是當年舊
莫愁

妄得楚女姓名四首

并序

甲午之冬余既夢得楚女姓名矣此衷遂已釋然至乙未春日忽有林生鳳鳴過鵲江生爲楚之安陸人適友人談及楚女事生云此吾同里黃氏閨媛也其尊人諱以泰爲鄉先達女小字青蓮因避亂僑居長沙之益陽突遭兵掠赴江盡節前所傳一

一不妄但十詩題油楮上非素悅詩中所

云母兄者則母之長兄某女幼所師事者

也余聞之快然因復作四絕識之

至戊戌冬晤衡

陽徐生乃知此言之妄

纔得貞姬姓字傳
騷魂半載爲誰牽
神仙只向蓬萊覓
豈識西方九品蓮

二

謫仙畸號偶同行
夢裏先偷一字名
更訝無端聯氏族
恰如許渾對飛瓊

守禮應知出大家文章彤管豈勝誇人間生女能
如此愧殺蘭堦玉樹斜

四

三楚精神屈宋魂離騷日月至今存繇來湏女非
湘女雲夢從今不敢吞

真得楚女姓名六首

并序

乙未之春聞安陸林生言咸以楚女爲黃
青蓮矣越三載戊戌冬偶晤衡陽徐生于

鳩茲復談及此徐生慘然曰此吾妹也以

甲午春兵隱衡州被掠至漢江赴水死死
時畱十詩于紙適見擔水童子乃抽銀釵

并詩授之囑云煩寄與讀書相公童子以

呈其主人瞿生遂盛傳于武昌藩臬聞之
遣人順流收其屍不獲因礮碑鑿十詩其

上植之漢陽門外余問女年幾何曰十三
曾許字否曰許字王氏女何名曰青鸞卽
詩中所謂青鸞有意隨王母者也余聞之

亦慘然蓋徐生之父立階爲楚丙子孝廉
第六人曾與余有舊以女故亦憤鬱而死
云噫一楚女姓名也初夢得之旣妄得之
至是始得其真焉乃繇佛蓮而青蓮繇青
蓮而青鸞若郵遞然亦奇矣因復爲六詩
識之雖然泡影何嘗余惡知林之果妄徐
之果真耶又惡知夢之非真真之非夢耶
尚俟他日過方城漢水而問之

吳楚乾坤倏不同祝融粉碎洞庭空那知萬古貞

魂宅却在湘帆九面中

二

亂離誰問孝廉船絳帳旃裘各一天痛殺文姬生
死別從今休拂四條絃

三

青鸞王母是前因漚槿塵緣總未真環珮若歸明
月夜應隨南嶽魏夫人

四

幾行清淚漲瀟湘花落黃陵更斷腸從道峰高無

楚女詩

鴈到化爲精衛過衡陽

五

天遣奚童表孝貞讀書種子定鍾情脫簪瀕死殷
勤囑祇爲高堂不爲名

六

千秋墮淚說遺蹤片石今看蠹女宗漫道朱陵峰
七二直應添作七三峰

假黃九煙歌

并序

困菴黃周星

黃九煙安得假哉。乃旅屨所至。徃徃有僮豎輩。見其
貧賤坦易。而形容復不老。竊相與揶揄云。此必假黃
九煙也。九煙聞之曰。嘻。此爲假九煙。將誰爲真九煙
者。且九煙之真假。吾亦惡乎知之。因捧腹大笑。作此
歌以自問。

咄咄白門黃九煙。爾爲真耶抑爲假。將謂爾爲假。爾曾
聲名遍天下。弱冠賢書壯制科。黃門粉署相魚雅。婦女
依稀識侍郎。兒童彷彿知司馬。將謂爾爲真。三生誰是

爾前身。羊祜房瑄多茫昧。何況崧高降甫申。呼牛卽牛
馬卽馬。人非人等類。非人似。茲真假兩莫據。一个九煙
在何處。肉眼難同道。眼論以真爲假。豈無故。我知其故
有三端。世俗狂疑未足嘆。一疑九煙定富貴。不應行徑
太酸寒。二疑九煙當蒼皓。那能鬢髮顏渥丹。三疑九煙
必宦套。豈肯真率輒披肝。而今九煙正相反。兒曹往往
費籌付。假真真假孰區分。優孟虎賁將恐混。誰知果有
假九煙。昔年相遇江淮邊。車從甚都事。干謁深情厚貌
工周旋。諸公倒屣更投轄。餽遺酬酢紛喧闐。一聞我到

輒宵遁。有如燕雀避鷹鷂。異哉鬼魅見白晝。黎丘往事
豈虛傳。顧我半生苦行邁。多迂寡合良困憊。世人旣認
假爲真。以真爲假復何怪。可見假者偏勝真。樸誠往往
輸狡獪。我聞昔日楊鐵崖。賓朋高會顧氏齋。門外復投
鐵崖刺。相戒勿語肅升階。其人入座殊魁岸。揮毫浮白
驚羣儕。衆賓酣暢或漏語。坦然略不縈襟懷。競請姓字
終不告。一時頓有兩鐵崖。又聞衡山文待詔。山遊避雨
投村醪。座中先有衡山存。據案橫肱何倨傲。徐出詩文
強叩之。惶恐乃說真名號。聞恆三非文衡山。異字同音

堪一笑。二事相同實不同。假雖假乎亦有道。彼皆名下
盛交遊。無怪江湖多詐冒。爭如今日黃九煙。貧賤流離
六十年。文章節義如糞土。通身不值半文錢。寄語兒曹
莫相訝。真者何如假者賢。嗚呼。不學。不學。不學。不學。

罵人歌

并序

天下豈有罵人黃九煙哉。世人見九煙貧賤日久。率
簡棄之。或曰。此亦一先輩。于法不當簡棄。則陽尊之。
尊之而實無以爲禮。又惡與簡棄同譏。則突爲調語。
曰。渠固善罵人。余何禮焉。于是簡棄之徒。欣然羣起。

而和之。而九煙罵人之謗遂成矣。然九煙實不罵人
也。以其實。敢居其名乎。乃矢天而爲此歌。

黃九煙善罵人。何物黃九煙。爾乃善罵人。人言爾善罵。
爾果罵何人。九煙聞此驚發悸。笑且不敢。那敢噴。熟思
罵人非容易。古今幾輩堪指陳。我所知者漢高帝。輕士
嫚罵同兒戲。亦有潁川灌將軍。行酒罵坐多意氣。下此
復見禰正平。捶地大罵坐曹營。更有裴邈與謝奕。極罵
兩王皆不爭。似此煨煨標簡冊。流傳千載多生色。仇爽
雖云快一時。敢說罵人爲盛德。又况諸君皆人豪。富貴

文章一羽毛。下視王侯猶糞土。何有齷齪小兒曹。欲求
一罵安可得。斧鉞分明華袞袞。若較九煙則懸絕。譬彼
鯤鵬視蜚蠊。九煙此日夫如何。纍狗驚鳥甕中鼈。人不
罵我幸甚哉。我敢罵人自作孽。從來人苦不自知。惟我
知我了不欺。生平正直復忠厚。小心畏義恆謙卑。雖然
性剛與骨傲。實則腸熱而心慈。所嗟命賤世寡合。枘鑿
冰炭苦參差。有腰不能工。偃僂有舌不解效。嚙呶窮途
每遭輕薄子。逡巡却走便長辭。有時不幸遇權貴。側身
歛手惟低眉。似此笑啼俱不敢。一生安有罵人時。奈何

世情多險毒。小人慣度君子腹。深情厚貌慘鏢鋤。鈎距
深文利如鏃。轉喉觸諱固當懲。緘脣腹誹冤何酷。春秋
誅意豈其然。吁嗟俯仰真跼蹙。我今被謗不欲辯。但指
天日祈聽讞。九煙實不妄罵人。若罵人者乃瘻犬。我聞
天上有百神。若罵人者神當殄。更聞地有拔舌獄。若罵
人者定不免。不罵云何說罵人。誰歟造謗應有覩。變亂
黑白倒是非。冥冥未必無陰譴。九煙此語真復真。日星
電火同炳麟。語罷投筆復大笑。九煙何嘗不罵人。上下
千年半塊壘。大都少可多齷齪。么麼鬼子安足罵。章章

杞檜亦非倫。我曾一罵假曹瞞。奸雄亂賊劇凶殘。我曾再罵頑馮道。五姓中誇長樂老。我曾三罵邪李贄。非聖無法恣橫議。古今人物似塵沙。九煙所罵不過是。至于頽俗慨江河。善人苦少惡人多。魍魅鬼蜮工反側。虎狼盜賊紛干戈。兩觀當誅雷當殛。此曹不罵更如何。我今向人首百頓。九煙一言乞聽信。可罵與否自在人。我罵與否何須問。古來聖賢亦罵人。其言頗不差。膚寸罵苟不謬罵何妨。口誅筆伐安容遜。秉彝直道心理同。緇衣巷伯有明訓。豈若百藥護知交。劉四罵人人不恨。

余讀九煙黃先生所爲矢音長歌。而嘆爲九煙之難也。余與九煙生同歲。深交四十年。未嘗聞其罵人也。而今忽有此名。九煙不平。余亦代爲不平。矢音之作。宜矣。雖然。君子必自反。豈其有以取之耶。余爲九煙沈思良久。勃然而起曰。得之矣。昔蜀漢先主嘗下令禁酒。民間有釀具者咸罪之。一日同簡雍出。見男女竝行。雍謂先主曰。彼欲行淫。何以不縛。先主曰。何以知之。雍曰。彼有其具。先主笑而弛其禁。今九煙亦不幸而有罵人之具。人遂以罵人之罪坐之。其猶是歟。

吾爲九煙計。向使并無其具。則不成其爲九煙。有其具。又不免于罵人之疑。爲九煙者。不亦難乎。九煙曰。子之說近是矣。第謂余不幸而有罵人之具者。其說安在。余曰。子不自知耶。凡子之兢兢自好者。卽人之目爲申申詈予者也。是乃罵人之具也。具可以罵而不可卽坐之以罵。猶具可以酒而不可卽坐之以酒。具可以淫而不可卽坐之以淫也。世有達者。思簡雍之言。一笑而解耳。何以矢音爲。

舊同研弟襄樊杜濬題于梅花外

龍沙八百地仙姓名歌

弟子黃周星九煙氏纂 別號笑蒼子

昔旌陽許真君于東晉寧康二年飛昇。遺讖云。吾仙去後。一千二百四十年間。五陵之內。當出弟子八百人。皆成地仙。所謂龍沙會聚庚申歲也。今已踰期矣。余于壬子春。得交茗溪陸子芳辰。而陸子先于庚戌歲。邀請乩仙。叩八百地仙姓名。乩題一詩云。八百功成尋共由。周天星宿可誠求。九洲煙水無人識。不比庸庸一世流。隨書七百九十八字。錯雜無文。

始于道鐘黷秀

建還濟。終于翮。陸子再叩之。仍書五字云。尋共由可
也。陸子未解其義。至甲寅冬。偶爲余言。余笑曰。共由
豈非黃字乎。及出原本相示。則詩中已預藏余名號。
蓋仙師欲余編輯成文耳。遂遵旨纂爲七言長歌一
章。其數不足八百者。此云。北闕碑上。原少二字。因其
中王趙兩君已登仙籍。故不復編入云。

道法昭明聖德昌。祖師上相尊純陽。源遠流深嗣胤接。
弘持正教盛名揚。栽培啓導統先覺。務從一室通遐荒。
大竝坤穹司位育。密如經緯織文章。貞元環轉匡雅化。

周而復始理之常。遙泝混沌歷億兆。誕分品質毓賢良。
孔孟儒宗鮮對峙。玄圖竺範參圭璋。于中奇人著異蹟。
烜灼載籍斯輝光。束心鍊魄守淳靜。服炁吞液迎吉祥。
矜拔侗癡賑窮孑。拯援溥濟擴津梁。功行果圓卽冲舉。
昇霄迅駛撫魁罡。紅霓煥耀雷霆響。朱霞白鶴偕騰翔。
是時游賞殊得志。迴首瘦骨猶委蛻。皈依肅潔拜宸旒。
授職奚慕君王貴。衙坊卓奕寔恢隆。琪樹瑤芭森采瑞。
金階璿柱拱芝蘭。璜臺瓊樓凭窠桂。梅嶼椒磴跨藤橋。
楓樟橙柑穿蒼翳。右閨爽闕東軒涼。秀童嬋妾擁珠翡。

羽衣拂體嫌縞練。烹鱗捧醴嘗珍餌。擎杯給燭揮絲絃。
緜嶺笙簧翻新製。握筆須臾灑露雯。鄭重春容標妙詣。
沈潛豐郁益咸宜。謨訓詔誥零頌偈。立徹秘奧證曇禪。
返本除垢增芬味。超脫陳緣亘古存。性命雙修煉淨慧。
閒來寂漠悟養生。思入浩杳感虛靈。想見伏羲創易像。
舜敷政治在璣衡。飛熊應夢商緒失。齊桓九合繼連橫。
秦韓趙魏震毅烈。苔斑堆土埋雄英。末世次降彌忍黷。
權蹤蝟迹懶論評。廣徵庶類精麤備。審察還能習物情。
崧封岑巒吧咕峽。洞麓岸磧激濤澄。株葉楂枒芽萼潤。

蓬蒲蓼荻荷苓菁。雀翥鴛栖鷗奮翮。圉馬駕輦駘嘶鳴。
琛瑾琳琅鎮玩弄。琉球瑚璉瑩瑋玲。趁舫乘桴憑柁棹。
匠執椎斧農鋤耕。利器鋒鋌當處錚。梯架礮鐙鏡鐸鈴。
燮陶鼎鼐寘輔弼。綉褱彩綬侍賓卿。攀弦貯印聆鐘鼓。
投壺瀝勺甘醺醒。運際承平誠錫祐。芳辰美景熙春晝。
解拘釋結省訟端。進爵移封誇綺繡。宰憲駐巡董用威。
僚屬欽慎徽猷奏。扶植採拮錄真才。鎔鑄吹吁輒造就。
忠孝聿興雍睦諧。仁智敦凝皆樂壽。巢棲市隱任飄飈。
晨榻穩臥雲歸岫。招飲徐呼爾汝交。禱祝青松叢蔭茂。

八百字歌
究竟謙和獲永年。敬謹篤慥勝機權。林居蘊積知抱負。
怡悅登臨續詠聯。庵闈趺坐日照頂。課函卜策動杓躔。
濯沐素練恆霑注。內產盈殖泰基填。期頤納息補皓鬢。
護蔣孫枝根蒂堅。惠懷普度量固巨。葆歛信順福攸全。
余也學識悵疎拙。憶昔單提祈了決。茲遵御敕益欣逢。
據實効工寧巧設。寸錦片玉總收羅。畱取佳話尋仙訣。
其餘意義半含藏。雷零鈔振權宋枋。黥兀牟顛魁凍絮。
罌尸暹窮抖佛佯。伊胡演集成韻句。建康野臣黃笑蒼。
右歌成焚于乩前。有朱衣孔公德去降壇。傳法旨云。

黃子真奇才也。文皇觀是文。甚爲雀躍。贊歎不已。他

日修文。虛席待之。今當奉旨陞擢。

云。俄桂殿傳宣。

曹公性癡。再降云。黃子文氣清秀。心胸錦繡。筆底生
花。思致如長江流水。可稱奇才。百千之字。編輯成文
者。頗有。但仙名成文而不野。思在乎仙家氣象。後日
必是紅林半酣間人也。此八百字。許黃子等刊刻頒

行。

此八百字。頒示于六年之前。而笑蒼子編次于三日
之內。蓋仙祖預知笑蒼之才。子此有餘。故宜文皇覽

之再三嘆賞不置也。嘗觀集字成文。自古有之。獨難其纍若貫珠。爛如織錦。字字精確。不容增減。朗誦終篇。但覺一氣呵成。宛然無縫。天衣絕不見。襞積之痕。豈非人工天巧乎。且題爲仙題。詩卽爲仙詩。而篇中疊出警句。洞抉玄詮。一以爲柏梁詠。一以爲黃庭經。復令人應接不暇。玩味無窮。直當作一卷異書讀可耳。夫編次猶屬笑蒼長技。而校讐點勘之勞。凡歷十數丹鉛而後成。人但知其才之奇不可及。而不知其念之誠。心之細。尤爲不可及也。嘻。難言哉。道弟陸之幾評終

仙凡雜咏十一首

鍾山黃周星九煙咏

余于甲寅季冬。旣荷桂殿文皇取閱。將就園記。命天神做搆。改閣製聯。至乙卯孟春。復奉敕編纂龍沙八百字。又辱文皇獎賞。詳載兩園仙凡紀畧。及地仙姓名歌中。尚有餘緒。縷縷復得絕句如干。

何物區區將就園空中樓閣夢中緣無端驚動文
昌座九地平飛上九天

二

鑿空杜撰漫成文正似蜃樓蒼狗雲蟻國蜂衙兒

戲事敢勞桂殿大將軍

文皇命值殿大將鐘震詣
中海崑崙依余文構為兩

園

三

天上從無凡俗仙瓊花瑤艸盡名篇竹枝桃葉渾

無賴敢比奇葩世外妍

帝曰才子思路如世
外奇卉唯燦鮮妍

四

乘槎博望史能詳猶道崑崙屬渺茫今日若非天

上語那知中海在何方

五

百萬仙才盡讀書玉樓簪珮定盈車蠅聲鼯技吁

堪哂不信天宮反不如

帝曰天上修文
不能及其萬一

六

峰畔雙祠日月光好將關呂奉烝嘗寧知別有烝

嘗主特改三清與玉皇

余就園中有東西兩閣擬
事關帝呂祖者奉敕特改

仙凡雜咏

為三清玉帝閣且命
余各作十五字聯句

七

勝聯輕重辨分毫取舍公明藻鑑勞若使文皇知
貢舉何來才士屈聲高
余初擬作兩聯奉教云未盡所長因復擬兩聯乃云甚佳准用

八

蒙敕修文未遽修拜官尚待武夷遊誰知八百庚
申記早識人間有共由
文皇為余構園曰俟黃子武夷相聚之後來此永作修文長即又陸子叩地仙姓名時初未識余而此已預示云尋共由共由非黃字乎

九

流離貧賤酷堪哀贏得虛名動玉臺試問人間嘲
喪狗何如天上歎奇才
文皇覽余八百字歌輒判曰奇才奇才云

十

勞動朱衣對面談筆花胸錦祇生慙虎溪再笑渾
閒事還約紅林共半酣
朱衣傳法旨云黃子筆底生花心胸錦繡後日必是紅林半酣間人續叩紅林何地云是龍沙聚會之所在蓬島間前取閱將就園時有虎溪再笑之期黃子可為兩園主人之語

十一

仙凡雜咏

周天星宿九洲煙名號分明在眼前底事庸流偏
不識祇因世上少神仙

周天星宿九洲煙水皆仙
詩中語蓋六年前預藏余

名號者

十二

兩園崑海已崢嶸八百龍沙句又成說與世人惟
一笑人間真箇可憐生

鬱單越頌題詞

三代已後之文章莫奇於司馬遷史記而史記天
官書非三代已後之文章自羲和來太史相承規
天矩地開闢畫一之書也天官書篇首中宮天極
星五字則可以定天之蓋而非渾天累千年爲渾
而不知其爲蓋者世人讀天官書不信天官書之
故也讀天官書不信天官書讀六經不信六經六
經皆言蓋天世自言渾天六經皆言鬼神世自言
無鬼六經皆言天命世自言斷滅而反移換宣尼

鬱單越頌

之所謂異端者以加於我西方聖人之教故羣而
讀聖人之書而叛聖人嗚呼明堂之制蓋天之圖
也明堂廢而蓋天無傳矣井田之法蓋天之式也
井田廢而蓋天無稽矣不知蓋天安知鬱單越九
煙居士之頌鬱單越未暇爲渾儀之糾繆聊以作
樂邦之化城九煙居士以慧業文人舍慧而言福
不知者以九煙居士爲遊戲而余知其悲居士踏
葉過寶雲絕歎我舊所作昭陽夢史又自言放遊
夢鄉都荒外神山列仙之奇謂世人安有夢立言

壯絕昭陽夢史者余前三十年癸未水濱紀夢之
書也世如不聞也者而居士知其悲悲悲相知而
余爲作鬱單越題詞夫鬱單越則亦九煙居士之
夢也

堯封沙門南潛

鬱單越頌

向聞衲子略述俱盧洲之樂云自然衣食宮殿隨身窮愁中每思此二語輒爲神往頃見法苑珠林中所載長阿含經一篇始得其詳因釐爲七則喜而頌之不復問其真妄也

其言曰須彌山北有天下名鬱單越此云俱盧

洲。縱廣一萬由旬

一由旬乃四十里

諸山浴池華果

豐茂衆鳥和鳴四面有阿耨達池出四大河無有溝坑荆棘蚊蟲毒蟲。其地柔輒隨足隱起

大小便時地爲開拆利已還合

妙哉鬱單越別有天地人山河匝華果丹青錦繡
春百鳥鳴芳晝溫池可澣塵平行無溝塹及洩穢
荆榛蚊蝨毒蟲等福地永不親安得生此洲長爲
羲皇民何事劉子驥桃源想問津

自然杭米衆味具足有摩尼珠名曰燄光置
自然釜鍍下飯熟光滅

妙哉鬱單越種種出自然杭米具衆味釜鍍不須
錢更有燄光珠入竈火卽然飯熟光隨滅依舊摩

尼圓安得生此洲鼓腹樂便便癡絕張孺子辟穀
求神仙

有樹名曲躬葉葉相次天雨不漏彼諸男女
止宿其下。人起欲時熟視女人彼女隨至
園林若是父親母親不應行欲者樹不曲蔭
各自散去若非親者樹則曲蔭隨意娛樂一
日至七爾乃捨去。多欲者一生數至四五
亦有脩行至死無欲

妙哉鬱單越有樹名曲躬密葉不漏雨坐臥等璇

宮脩士或無欲有欲亦不同男女相媾合惟視樹
蔭濃莫言七日久罕見一生中安得生此洲香夢
緣重重阿房與金屋咄嗟可憐蟲

有諸香樹果熟之時自然裂出種種身衣或
器或食河中寶船乘載娛樂入中浴時脫衣
岸上乘船渡水遇衣便著不求本衣次至香
樹手取樂器並妙聲和絃而行

妙哉鬱單越有此諸香樹果熟自裂成衣食器用
具寶船恣遊嬉裸浴乘船渡脫故便著新統綺隨
處遇過樹取管絃踏歌任來去安得生此洲燕衍
相朝暮笑殺金谷園羞殺瓊林庫

彼人懷妊七八日便產隨生男女置于四衢
有諸行人出指含嗽指出甘乳充徧兒身過
七日已其兒長成與彼人等男向男衆女向
女衆

妙哉鬱單越生兒似有神八日能孕育七日等成
人乳出途人指了不累母身男女自分向無煩教
養頻安得生此洲螽麟共振履敏雖如達姜嫄

殊苦辛

其人前世脩十善行來生此洲人長三十二

肘一肘乃一尺八寸

。髮紺青色齊眉而止。其人

無有衆病。壽命千歲不增不減命終之後

生天善處

妙哉鬱單越元從善行來紺髮復長身形軀亦偉
哉壽命皆千歲無疾亦無災命終歸善處天人復
胚胎安得生此洲五福遍春臺彭殤均墮落南方
真可哀

其土正方人面像之。顏貌同等。彼人命
終不相哭弔莊嚴死屍置四衢道有鳥接置
他方啖食之

妙哉鬱單越事事皆如意微憾燬中瑕亦復有三
事其一人面方何從得嫵媚其二顏貌同親疎誰
辨識其三鳥啖屍忍啄遺骸碎小小缺陷間毋亦
造物忌或嫌無五倫更惜少文字又聞佛不生故
爲佛法棄此說姑置之但喜無機智淳龐太古風
知識忘童穉安得生此洲樂國同遊戲永斷煩惱

緣頑福勝乾慧

武節去乘北極故道之野亭無聲於世氣風太古風

豈於思更無無上論更謂小文字又曰詩不主法

無謂其二鳥細氣必烈後始解小小地則問問其

其更一人而古而古其其其其其其其其其其其其

其其其其其其其其其其其其其其其其其其其其

其其其其其其其其其其其其其其其其其其其其

其其其其其其其其其其其其其其其其其其其其

其其其其其其其其其其其其其其其其其其其其

十二月讀書樂

和董蔗園

黃周星 九煙

正月

椒酒纔稱頌艸堂已寄詩發樽因諫史奪席為經
師雨潤枯毫茁風和凍硯澌擁書同獺祭莫笑義

山癡

二月

大地桃花笑披帷面面香山川爭錦繡雷電啟文
章玄鳥初窺案倉庚乍囀簧詞壇多鼓吹誰識社

翁忙

讀書樂唱和集

餘生三月

新桐初引處生意滿庭蕪虹見天邊賦萍開水上
圖流觴仍諷詠禁火亦咿唔讀易閒窓下何心出
舞雩

山歎四月

春歸何太急孟夏遂陶陶櫻筍堪充供蒲葵未告
勞薰風宜拂席永日勝焚膏麥秀清和候儒生且
布袍

五月

有書那不讀反舌耻無聲簧翠交窓媚榴丹照卷
明大文看虎變小學試蜩鳴正喜離騷醉光同日
月爭

六月

何方能避暑避暑向書牀字挾風霜貴文攜冰雪
涼哦松濤響細漂麥雨飛狂艸際螢光滿無煩武
子囊

七月

倚梧長把卷一葉忽驚秋巧向篇中乞火從句裏

流衆芳歸玉笈萬寶在金樓若晒空庭腹邊韶合
點頭

八月

正是天香節詞場異小山鍾陵歌可和牛渚論難
刪雁過三更後蟲吟萬卷間短檠明月下志士未
應閒

九月

是月黃花發家應足濁醪遠籬惟擬古閉戶亦登
高獵野功誰繼神倉籍共韜奇書須讀盡豈獨爲

題餽

十月

天地不通日惟書道可通三冬開曆朔十月坐春
風龍戰玄黃野蜃嘘山海宮奇文驚變化已在簡
編中

十一月

暢月稱名久非書暢曷名翰音能共語盍且不須
鳴添線工同積飛灰律已更閒登西閣上正喜綠
芸生

十二月

日月俱窮處難窮獨有書人皆輕八蜡我自惜三
餘雪映眸逾烟冰堅腹豈虛梅花天地外此樂更
何如

十二月讀書樂詩創自蔗園董子和者如林余
不免見獵效輦遂得五律如數其摘詞琢句亦
不過老生常談但字字貼切本月禁絕泛套游
移豈王侍中所云臣于數子亦有一日之長者
耶請以就正大方庶或有以益我 九烟自識

瀟湘八景詩

鍾山 黃周星九煙氏 咏

瀟湘八景臺爲宋嘉祐時築詞人題咏甚夥大氏
皆從畫屏間摹寫耳余昔年嘗久客其地睹聞頗
真適魏塘友人以是題索咏遂做歐蘇禁體漫賦
八章貽之 禁犯題字

瀟湘夜雨

楚雲何意濕芳汀浙瀝中宵未易停酒醒忽驚千里

夢曲終難覓數峰青潤添蘭畹香先到怨入筠斑淚
共零最是秋聲敲客舫離騷點點不堪聽

洞庭秋月

湖光浮盡岳陽天桂魄當空更悄然三萬頃中鋪縞
練五千里外想嬋娟影迷牛斗槎難泛夢破魚龍鏡
自懸笑指君山如荇藻冰壺何礙挾飛仙

平沙落鴈

楚江秋色正銷魂何處賓鴻下遠村豈爲稻梁辭朔

漠欲同蘭芷宿黃昏雲霞黯黯書無字洲渚粼粼篆
有痕咫尺衡陽聲斷否揮絃好入曲中論

遠浦歸帆

第一湘濱好畫圖望衡九面態難摹誰攀雲嶺千重
樹閒閱煙波十幅蒲鼓棹白衣休借問倚樓翠袖欲
遙呼笑他湖海年年客得似江潭釣叟無

漁村夕照

三閩曾見咏滄浪可是蒹葭此一方樹樹人煙圍野

色家家魚網掛斜陽國同鷗鷺無苛吏代似羲皇近
醉鄉誰道桃源真隔世桃源元只在瀟湘

煙寺晚鐘

六朝何地少精藍清絕湖南勝海南石馬嘶時僧閉
戶銅鯨吼處佛依龕三千界向雲中隱百八聲宜月
下參閒愛翠微橫杳靄幽尋豈是爲瞿曇

山市晴嵐

山市乃山間雲氣蒸變
如海市之類非墟市也

蜃樓爭詫海門東此處竒峰迥不同天宇乍收朝霧

後人家都在旭光中金銀氣眩千巖麗龍鼠雲疑七
國雄誰信湘南培塿地舉頭縹緲似瑤宮

江天暮雪

六出飛花未是奇却因湘浦弄幽姿都將米芾高寒
畫散作王維澹遠詩釣罷漁簑收艇後醉歸驢背叩
門時不知溪閣騷人筆評到疎梅第幾枝

合咏八景七律二首

瀟湘斜遶洞庭南夜雨澄秋月滿潭煙寺鐘微收夕

照江天雪霽見晴嵐帆歸遠浦漁村暗市接平沙
鴈陣酣八景臺邊圖咏遍千秋名勝幾人探

其二 盡用題字

洞庭瀟水合湘流沙市溪村景色幽雨暗鐘殘多入
夜月明鴈落正宜秋曉煙寺帶晴嵐爽夕照帆歸晚
浦愁最愛江山平遠處滿天暮雪一漁舟

又七絕一首

瀟湘煙雨晚鐘稀村市晴嵐夕照暉暮雪江沙看鴈

落洞庭秋月遠帆歸

戲集八景題字五律一首

洞天嵐翠合暮夜遠鐘聲帆落煙汀夕漁歸雪浦晴
村庭寒月照沙市晚江平秋雨湘山寺瀟瀟鴈滿城
又長短句一首

沙市江天夜村嵐暮雪晴晚鐘秋月寺夕照遠山平
鴈落瀟湘漁浦帆歸煙雨洞庭

八景詩相傳最多然吟者率未必身至其地

...

...

...

...

...

...

...

之則句句有湘雨三也具此三長恐前後作者未易搥碎黃鶴樓矣至合咏數首雖似信手拈來亦殊費烹鍊苦心邯鄲國能豈壽陵餘子所可幾乎謹拈出與寓內詞人共參之

武水後學王念祖題

西

西
卷之十
...

